



Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-03-11-05753/20 - 3
Sarajevo, Decembar 24. 2020. godine

Na osnovu čl. 64. stav (1) tačka b), 70. st. (1), (3) i (6), 87. stav (3) i 90. Zakona o javnim nabavkama („Službeni glasnik BiH“, broj 39/14) i čl. 2. stav (3) i 6. Pravilnika o postupku direktnog sporazuma („Službeni glasnik BiH“, broj 90/14) i člana 9. Pravilnika o postupku direktnog sporazuma Kantonalne uprave za inspekcijske poslove Kantona Sarajevo broj: 14-01-02-05148/19 od 16.10.2019. godine, a u skladu sa članom 74. Pravilnika o unutrašnjoj organizaciji Kantonalne uprave za inspekcijske poslove Kantona Sarajevo, direktor Kantonalne uprave za inspekcijske poslove donosi

ODLUKU
o izboru najpovoljnijeg ponuđača
putem direktnog sporazuma u postupku javne nabavke
jednokratnih potrošnih zaštitnih maski

Član 1.
(Predmet nabavke)

Predmet nabavke su jednokratne potrošne zaštitne maske potrebne za Kantonalnu upravu za inspekcijske poslove Kantona Sarajevo.

Član 2.
(Realizacija nabavke)

- (1) Javna nabavka se provodi putem direktnog sporazuma u skladu sa Zakonom o javnim nabavkama i odgovarajućim podzakonskim aktima koji reguliraju oblast direktnog sporazuma.
- (2) Dodjela ugovora se vrši na način koji garantira najbolju razmjenu vrijednosti za novac.
- (3) Troškovi nabavke terete poziciju Kantonalne uprave za inspekcijske poslove Kantona Sarajevo.
- (4) Konto: 613400 – nabavka potrošnih zaštitnih maski, CPV kod: 33140000-3 Medicinski potrošni materijal.

Član 3.
(Izbor najpovoljnijeg ponuđača)

Prihvata se ponuda ponuđača **"FRIZER LAND" DOO Vitez** u iznosu od 391,44 KM (bez PDV-a), te ukupnom iznosu od 457,98 KM (sa PDV-om) za nabavku jednokratnih potrošnih zaštitnih maski u Kantonalnoj upravi za inspekcijske poslove Kantona Sarajevo.

Član 4.
(Stupanje na snagu i objava)

Odluka stupa na snagu danom donošenja i objavljuje se na web stranici Ugovornog organa.

Obrazloženje

Od strane Kantonalne uprave za inspeksijske poslove Kantona Sarajevo, na području Kantona Sarajevo, provode se pojačani inspeksijski nadzori u kojima aktivno učešće imaju kantonalni inspektori, a sve zbog pandemije izazvane korona virusom. S tim u vezi ukazala se potreba za nabavkom određene količine jednokratnih potrošnih zaštitnih maski, potrebnih prilikom vršenja pomenutih inspeksijskih nadzora, a zbog zaštite inspektora koji su u opasnosti od zaraze novonastalim virusom prilikom vršenja inspeksijskih nadzora koje vrše na terenu.

Na osnovu ukazane potrebe za nabavkom jednokratnih potrošnih zaštitnih maski potrebnih prilikom vršenja inspeksijskog nadzora, pokrenuta je procedura javne nabavke za navedenu robu. Nakon ispitivanja tržišta, ponuđač "FRIZER LAND" DOO Vitez dostavio je ponudu koja je ocijenjena korektnom i prihvaćena je u skladu sa osnovnim principima Zakona o javnim nabavkama i na način koji garantira najbolju razmjenu vrijednosti za novac.

Uzimajući u obzir da je ponuda ponuđača "FRIZER LAND" DOO Vitez cjenovno korektna, te da ponuđač može izvršiti isporuku u prihvatljivom roku, ista je prihvaćena u cijelosti.

Novčana sredstva osigurana su u Budžetu Kantona Sarajevo na poziciji Kantonalne uprave za inspeksijske poslove Kantona Sarajevo.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb